

Намозни қандай ўқийсиз?



08:25 / 13.10.2020 1311

Исом ибн Юсуф бир куни Хотам ал-Асомнинг мажлисига кириб, «Эй Хотам, намозни яхши адо қиласизми?» деб сўради. «Ҳа», деди Хотам. «Намозни қандай ўқийсиз?» сўради у яна. Хотам ал-Асом шундай деди: «Ўрнимдан тураман, қўрқув билан намозга юриб бораман, ният билан киришаман, улуғворлик билан такбир айтаман, тартил ва тафаккур билан қироат қиламан, хушуъ билан рукуъга бораман, тавозе билан сажда қиламан, тугатиш учун ташаҳҳудга ўтираман, ният билан салом бераман, Аллоҳ азза ва жалла учун ихлос билан тугатаман, яна хавф билан намоздан қайтаман, чунки Аллоҳ мендан буни қабул қилмай қолишидан қўрқаман ва ўлгунимча бор кучим билан намозимни муҳофаза қиламан».

Исом ибн Юсуф: «Намозни жуда яхши адо қилар экансиз», деди.

«Солихлар гулшани» китобидан